

11. november 2007

UKA 2007/36

**Kulturikkut eriajisassat eqqissimatitaanerat pillugu Inatsisartut  
inatsisissaattut siunnersuut**

**pillugu**

**Inatsisartut Kultureqarnermut Ilinniartitaanermullu Ataatsimiititaliaata**

**ILASSUTITUT ISUMALIUTISSIISUTAA**

**Inatsisissatut siunnersuutip aappassaaneerneqarnerani saqqummiunneqartoq**

Inatsisartut Kultureqarnermut Ilinniartitaanermullu Ataatsimiititaliaat  
suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Atassut, siulittaasoq  
Inatsisartunut ilaasortaq Ruth Heilmann, Siumut, siulittaasup tullia  
Inatsisartunut ilaasortaq Doris Jakobsen, Siumut  
Inatsisartunut ilaasortaq Juliane Henningsen , Inuit Ataqatigiit  
Inatsisartunut ilaasortaq Lene Knüppel, Demokraatit  
Inatsisartunut ilaasortaq Otto Jeremiassen, Siumut (sinniisussaq)  
Inatsisartunut ilaasortaq Johan Lund Olsen, Inuit Ataqatigiit (sinniisussaq)

UKA 2007-imi siullermeerinerup kingorna Inatsisartut Kultureqarnermut  
Ilinniartitaanermullu Ataatsimiititaliaat inatsisissatut siunnersuummut  
isumaliutissiissuteqarpoq, isumaliutissiissummi ataatsimiititaliap Naalakkersuisut  
kaammattorpai qanganisarsiornikkut misissuinerit aallaavittut isigalugu  
Landskarsimit aningaasalersorneqartarnissaannik imaqartumik allannguutissatut  
siunnersuummik saqqummiusseqqullugit.

Naalakkersuisulli aappassaaneerinissamut akissuteqaataat qanganisarsiornikkut  
misissuinerit Landskarsimit akilerneqartarnissaasa Naalakkersuisunit  
isumaqatigineqannginneranik imaqartoq paasigamiuk inatsisissatut siunnersuutip  
Inatsisartunit aappassaaneerneqarnissaata kinguartinneqarnissaa ataatsimiititaliap  
Inatsisartut Siulittaasoqarfiannut qinnutigaa. Tamatuma kingorna ataatsimiititaliap  
Naalakkersuisunut arlalinnik apeqquteqarpoq. Ataatsimiititaliap apeqqutai  
Naalakkersuisullu akissutaat ilanngussatut ilanngunneqarput.

Naalakkersuisut akissutaat **ataatsimiititaliami amerlanerussuteqartut Siumup, Atassutip Inuit Ataqtigillu** tusaatissatut tiguaat. Tamanna tunngavigalugu Naalakkersuisut isumaqtigineqartut aammalu allamik oqaaseqaatissaqartoqanngitsoq amerlanerussuteqartunit oqaatigineqassaaq.

**Tamanna tunngavigalugu inatsisissatut siunnersuut akuersissutigineqassasooq ataatsimiititaliami amerlanerussuteqartut inassutigaaq.**

**Ataatsimiititaliami ikinnerussuteqartut Demokraatit** Naalakkersuisut akissuteqaataat naammaginarinngilaat, taamaattumillu qanganisarsiornikkut misissuinerit Landskarsimit akilerneqartarnissaannik isummiussatik siusinnerusukkut saqqummiunneqartut aalajangiusimallugit.

**Tamanna tunngavigalugu inatsisissatut siunnersuut itigartinneqassasooq ataatsimiititaliami ikinnerussuteqartut inassutigaaq.**

Taama oqaaseqarluni Inatsisartut Kultureqarnermut Ilinniartitaanermullu Ataatsimiititaliaata inatsisissatut siunnersuut aappassaaniigassanngortippaa.

Kristian Jeremiassen  
Siulittaasoq

Ruth Heilmann

Otto Jeremiassen

Johan Lund Olsen

Lene Knüppel

[Ilanngussaq 1](#)

[Ilanngussaq 2](#)